

Na osnovu članova od 80. do 88. Zakona o visokom obrazovanju, prečišćeni tekst („Službene novine Kantona Sarajevo“, broj: 22/10) i Pravila studiranja za prvi ciklus studija na Univerzitetu u Sarajevu, Univerzitet u Sarajevu o b j a v l j u j e

**KONKURS
ZA UPIS STUDENATA U PRVU GODINU PRVOG CIKLUSA STUDIJA NA
UNIVERZITETU U SARAJEVU U AKADEMSKOJ 2013/2014. GODINI**

Konkurs se raspisuje za upis u prvu godinu prvog ciklusa studija koji se organizira na fakultetima i akademijama Univerziteta u Sarajevu (u daljnjem tekstu: organizacione jedinice).

Prijave na Konkurs za upis podnose se organizacionim jedinicama do 6. jula 2013. godine.

Terminološko korištenje muškog ili ženskog roda u ovom konkursu podrazumijeva uključivanje oba roda.

Ukoliko je za prijem studenata predviđeno polaganje prijemnog ispita, svaka organizaciona jedinica će utvrditi datum i raspored polaganja prijemnog ispita, kao i sadržaj i način polaganja prijemnog ispita, što će objaviti na svojim web stranicama i oglasnim pločama.

Prijemni ispiti će se završiti do 31. augusta 2013. godine.

Upis primljenih studenata obaviti će se u periodu od 2. do 23. septembra 2013. godine, s tim da organizacione jedinice, koje popune upisnu kvotu, upis mogu vršiti i prije predviđenog termina, a po okončanju žalbenog roka.

Visina participacije cijena usluga i školarina Univerziteta u Sarajevu, te fakulteta i akademija u njegovom sastavu utvrđena je Odlukom Vlade Kantona Sarajevo broj 02-05-19288-9/09 od 11. juna 2009. godine i Odlukom broj: 02-05-20630-14.1/12 od 26. juna 2012. godine (www.unsa.ba, poglavlje – propisi, cjenovnici).

Djeca šehida i palih branitelja i djeca bez oba roditelja koji prvi put upisuju prvu ili odgovarajuću godinu studija po starom ili bolonjskom sistemu studiranja oslobođeni su obaveze plaćanja upisnine u iznosu od 100,00 KM (stotinu konvertibilnih maraka).

OPĆE ODREDBE

U prvu godinu studija u akademskoj 2013/2014. godini kandidati se upisuju u skladu sa planom upisa studenata.

Pravo učešća na Konkurs pod jednakim uvjetima imaju državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su srednju školu završili izvan Bosne i Hercegovine imaju pravo učešća na Konkursu i prije izvršene nostrifikacije odnosno ekvivalencije svjedočanstva o završenom srednjem obrazovanju u inozemstvu, ali se u prvu godinu studija mogu upisati

nakon izvršene nostrifikacije odnosno ekvivalencije o završenom srednjem obrazovanju u inozemstvu, a najkasnije do početka akademske 2013/2014. godine.

Pravo učešća na Konkursu i polaganje prijemnog ispita imaju i kandidati sa završenom srednjom školom po međunarodnim programima koji su odobreni od nadležnog ministarstva, kao i kandidati iz država nastalih nakon raspada SFRJ, s tim što su dužni dostaviti svjedočanstvo o završenoj srednjoj školi odnosno nostrificirano svjedočanstvo za kandidate koji prethodno obrazovanje nisu završili u Bosni i Hercegovini prije početka upisa.

Ukoliko ovi kandidati prilikom predaje dokumentacije za upis nemaju nostrificirano svjedočanstvo, organizaciona jedinica je dužna zaprimiti ostalu dokumentaciju i uključiti kandidata u postupak za upis prema odredbama člana 88. Zakona o visokom obrazovanju Kantona Sarajevo, prečišćeni tekst („Službene novine Kantona Sarajevo“, broj: 22/10), u kojem se navodi da se kandidat koji ispunjava uvjete konkursa, a nalazi se na rang-listi kandidata koji su položili prijemni ispit u okviru odobrene kvote studenata za upis na tu organizacionu jedinicu, može upisati u prvu studijsku godinu prvog ciklusa studija nakon izvršene nostrifikacije odnosno ekvivalencije svjedočanstva, a najkasnije do početka studijske godine.

U izuzetnim slučajevima, kandidat se može uvjetno upisati u prvu studijsku godinu prije izvršene nostrifikacije odnosno ekvivalencije svjedočanstva, uz prezentiranje potvrde da je postupak nostrifikacije odnosno ekvivalencije po njegovom zahtjevu u toku i da kašnjenje u donošenju odgovarajućeg rješenja nije rezultat njegovog propusta koji mu se može staviti na teret.

Prijem i upis studenata u prvu godinu studija provodi posebna komisija koju imenuje nastavno-naučno odnosno nastavno-umjetničko vijeće organizacione jedinice.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u prvu godinu studija na organizacione jedinice Univerziteta u Sarajevu, koja je sastavni dio ovog konkursa, kao i pojedinačnih kriterija utvrđenih za vrednovanje ocjena iz predmeta relevantnih za odgovarajući studijski program i vrednovanje rezultata prijemnih ispita ukoliko su predviđeni.

Prijemni ispit vršit će se testom ili drugom pisanom formom u ovjerenom duplikatu, od čega jedna kopija ostaje organizacionoj jedinici, a druga kandidatu.

Preliminarnu rang-listu svih primljenih i prijavljenih kandidata organizacione jedinice će objaviti na web stranici i oglasnoj ploči nakon što je verificira nastavno-naučno odnosno nastavno-umjetničko vijeće organizacione jedinice, najkasnije dva dana od posljednjeg dana polaganja prijemnog ispita, a za organizacione jedinice na kojima se prijemni ispit ne polaže – najkasnije dva dana nakon isteka roka za podnošenje prijave na Konkurs.

Organizacione jedinice će na svojim oglasnim pločama i web stranicama dati potpune informacije o mjestu i vremenu predaje dokumenata za prijavu na Konkurs.

Za prijave na Konkurs za upis u prvu godinu studija kandidat je dužan predati sljedeće dokumente:

- zahtjev za upis u kome je tačno naznačen odsjek na koji konkurira,

- originalna svjedočanstva o završenim razredima srednje škole završene u Bosni i Hercegovini u četverogodišnjem trajanju odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije, prilažu se prevedeni i od sudskog tumača ovjereni dokumenti),
- originalnu diplomu o završenoj srednjoj školi,
- izvod iz matične knjige rođenih,
- uvjerenje o državljanstvu i
- druge dokumente relevantne za utvrđivanje broja bodova po kriterijima.

Prijave podnesene poslije utvrđenog roka kao i nepotpune prijave neće se uzimati u razmatranje.

Ukoliko se u prvom upisnom roku ne primi planirani broj kandidata, organizacione jedinice Univerziteta mogu do 31. augusta 2013. godine objaviti i realizirati naknadni konkurs. Pravo prijave na naknadni konkurs i polaganje naknadnog prijemnog ispita imaju svi kandidati koji konkuriraju prvi put za upis kao i kandidati koji su konkurirali u prvom roku, a nisu položili prijemni ispit ili su odbijeni zbog ograničenog broja kandidata.

Univerzitet i organizacione jedinice obavezni su da prije upisa studenata u studijsku godinu na javan i transparentan način, objavom na oglasnoj ploči i svojoj web stranici, upoznaju sve studente sa pravilima studiranja, nastavnim planom i programom, te akademskom titulom i stručnim zvanjem koje se stječe nakon završetka studija.

Kandidatima koji nisu primljeni organizacione jedinice omogućit će preuzimanje dokumentacije u roku od sedam dana od dana objavljivanja konačne rang-liste.

ODLUKA
O KRITERIJIMA I MJERILIMA ZA UTVRĐIVANJE REDOSLIJEDA PRIJEMA
KANDIDATA ZA UPIS U PRVU GODINU PRVOG CIKLUSA STUDIJA NA
UNIVERZITETU U SARAJEVU U AKADEMSKOJ 2013/2014. GODINI

Član 1.

Ovom odlukom utvrđuju se zajednički kriteriji i mjerila za bodovanje i upis kandidata u prvu godinu studija na organizacionim jedinicama (fakultetima i akademijama) Univerziteta u Sarajevu u akademskoj 2013/2014. godini.

Terminološko korištenje muškog ili ženskog roda u ovom konkursu podrazumijeva uključivanje oba roda.

Član 2.

Rangiranje kandidata i prijem studenata u prvu godinu studija vršit će se u zavisnosti od broja bodova koje kandidat osvoji:

1. ukoliko je predviđeno polaganje prijemnog ispita, na osnovu:
 - općeg uspjeha,
 - uspjeha iz *maternjeg jezika* i pojedinih predmeta značajnih za odgovarajući studij,
 - rezultata postignutih na prijemnom ispitu,
 - rezultata ostvarenih na takmičenjima iz predmeta relevantnih za određeni studij i
 - „Posebnog priznanja ministra obrazovanja i nauke“, a za učenike iz drugih kantona sa prosjekom 5,0.
2. Ukoliko nije predviđeno polaganje prijemnog ispita, na osnovu:
 - općeg uspjeha,
 - uspjeha iz *maternjeg jezika* i pojedinih predmeta značajnih za odgovarajući studij,
 - rezultata ostvarenih na takmičenjima iz predmeta relevantnih za određeni studij i
 - „Posebnog priznanja ministra obrazovanja i nauke“, a za učenike iz drugih kantona sa prosjekom 5,0.

Član 3.

Broj bodova po osnovu općeg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

Član 4.

Broj bodova po osnovu uspjeha iz predmeta značajnih za odgovarajući studijski program i rezultata postignutih na prijemnom ispitu utvrđuje se kako slijedi:

1. ukoliko je predviđeno polaganje prijemnog ispita, na osnovu:
 - uspjeha iz *maternjeg jezika* i grupe predmeta koji su značajni za odgovarajući studij, vrednuje se sa maksimalno 40 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 8,
 - rezultata postignutih na prijemnom ispitu, vrednuje se sa maksimalno 40 bodova.
2. Ukoliko nije predviđeno polaganje prijemnog ispita, na osnovu:

- uspjeha iz *maternjeg jezika* i grupe predmeta koji su značajni za odgovarajući studij, vrednuje se sa maksimalno 80 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 16.

Član 5.

Vrednovanje rezultata na osnovu uspjeha postignutog na prijemnom ispitu, kao i spisak predmeta značajnih za odgovarajući studijski program iz kojih se polaže prijemni ispit i način bodovanja po ovom osnovu, organizacione jedinice će istaći na svojim oglasnim pločama i web stranicama.

Član 6.

Za jedno od osvojenih mjesta na lokalnom (općinskom, gradskom) takmičenju učenika srednjih škola dobija se sljedeći broj bodova:

- za osvojeno prvo mjesto – 2 boda,
- za osvojeno drugo mjesto – 1 bod i
- za osvojeno treće mjesto – 0,5 bodova.

Za jedno od osvojenih mjesta na kantonalnom takmičenju učenika srednjih škola dobija se sljedeći broj bodova:

- za osvojeno prvo mjesto – 3 boda,
- za osvojeno drugo mjesto – 2 boda i
- za osvojeno treće mjesto – 1 bod.

Za jedno od osvojenih mjesta na takmičenju učenika srednjih škola na nivou entiteta i Bosne i Hercegovine dobija se sljedeći broj bodova:

- za osvojeno prvo mjesto – 4 boda,
- za osvojeno drugo mjesto – 3 boda i
- za osvojeno treće mjesto – 2 boda.

Za jedno od osvojenih mjesta na međunarodnom takmičenju učenika srednjih škola dobija se sljedeći broj bodova:

- za osvojeno prvo mjesto – 5 bodova,
- za osvojeno drugo mjesto – 4 boda i
- za osvojeno treće mjesto – 3 boda.

Ukupan broj bodova, a koje kandidat dobija po osnovu takmičenja navedenih u ovom članu, formira se na osnovu zbira bodova po svim rezultatima, s tim da se boduju samo takmičenja koja su zvanično organizirana na nivou općine, grada, kantona, entiteta i Bosne i Hercegovine i to iz predmeta: *matematika, fizika, strani jezik, informatika, sport*, a za umjetničke akademije i takmičenja u okviru te struke.

Za tehničke fakultete, pored navedenog, boduju se i rezultati u okviru takmičenja pod nazivom „Smotra tehničkog stvaralaštva”, koje je organiziralo Ministarstvo za obrazovanje, nauku i mlade Kantona Sarajevo. Na Fakultetu sporta i tjelesnog odgoja boduju se i rezultati postignuti u vrhunskom sportu, na osnovu kriterija koje utvrdi Fakultet.

Za kandidate iz država nastalih raspadom bivše SFRJ za bodovanje ostvarenih rezultata na takmičenjima primjenjivat će se odredbe utvrđene u stavovima 1, 2. i 3 ovog člana, uz primjenu principa ekvivalencije (lokalno = općinsko, gradsko; kantonalno =

županijsko/regionalno, regije unutar države; entitetsko = pokrajinsko i ostalo; državno = državno).

Član 7.

Kandidatima koji su nosioci „Posebnog priznanja“, koje dodjeljuje ministar za obrazovanje, nauku i mlade, dodjeljuje se 5 bodova, kao i kandidatima koji dolaze izvan Kantona Sarajevo, a u toku cjelokupnog srednjoškolskog obrazovanja su imali odličan (5) uspjeh iz svih nastavnih predmeta i primjerno vladanje.

Član 8.

Na umjetničke akademije mogu se upisati samo oni kandidati koji na prijemnom ispitu ostvare najmanje 60% bodova, a čija je struktura odnosno specifičnost pobliže utvrđena pravilima umjetničkih akademija.

Na nastavničke fakultete mogu se upisati samo oni kandidati koji ostvare najmanje 70 bodova.

Na ostale organizacione jedinice Univerziteta u Sarajevu mogu se upisati samo oni kandidati koji u svakom pojedinačnom segmentu prijemnog ispita ostvare najmanje 50% bodova.

Član 9.

Postupak provođenja ove odluke vrši komisija koju imenuje nastavno-naučno odnosno nastavno-umjetničko vijeće organizacione jedinice.

Na organizacionim jedinicama na kojima se polaže prijemni ispit komisija je dužna da osigura tajnost ispitnog materijala i druge relevantne dokumentacije.

Nakon zbrajanja bodova, za svakog kandidata pojedinačno, po svim osnovama iz ove odluke, komisija sačinjava preliminarnu rang-listu svih kandidata i spisak primljenih kandidata i oglašava ih na web stranici i oglasnoj ploči.

Na objavljenu rang-listu kandidati mogu uložiti pisani prigovor nastavno-naučnom odnosno nastavno-umjetničkom vijeću organizacione jedinice u roku od tri dana od dana objavljivanja liste.

Ukoliko kandidat ima prigovor na rezultate postignute na prijemnom ispitu, prigovor dokazuje ovjerenim duplikatom testa sa prijemnog ispita.

Nastavno-naučno odnosno nastavno-umjetničko vijeće organizacione jedinice dužno je da u roku od tri dana odluči o prigovoru kandidata i o tome ga obavijesti u pisanoj formi.

Odluka nastavno-naučnog odnosno nastavno-umjetničkog vijeća je konačna.

Konačni spisak upisanih studenata u svim statusima, nakon što ga usvoji nastavno-naučno odnosno nastavno-umjetničko vijeće organizacione jedinice, organizaciona jedinica je obavezna objaviti na web stranici i oglasnoj ploči najkasnije dva dana nakon isteka roka za donošenje odluke po izjavljenom prigovoru i dostaviti Ministarstvu najkasnije sedam dana prije početka studijske godine.

Član 10.

Kandidati koji, u skladu sa Konkursom, budu primljeni na odgovarajući studijski program, za upis u prvu godinu studija, pored već predatih dokumenata, podnose:

- upisni, semestralni list i ŠV-obrazac,
- upisnicu – indeks i
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Kada se na jedinstvenoj listi kandidata, koji su po osnovu kriterija za upis studenata utvrđenih Odlukom Vlade Kantona Sarajevo broj: 02-05-3236-5/08 od 7. februara 2008. godine, u predviđenoj kvoti upisa nađe određeni broj kandidata iz država nastalih nakon raspada SFRJ, lista primljenih kandidata se proširuje za taj broj kandidatima državljanima BiH najviše do 4% studenata u statusu za koji konkuriraju (redovni i redovni samofinansirajući).

Kada izračunati procent broja studenata u odnosu na maksimalno utvrđenu kvotu kandidata iz država nastalih nakon raspada SFRJ nije cijeli broj, u tom slučaju vrši se zaokruživanje procentualne vrijednosti u korist kandidata na sljedeći cijeli broj.

Ukoliko se na listi kandidata u kvoti do 4% nalazi više kandidata iz država nastalih nakon raspada SFRJ koji ostvare isti broj bodova, primaju se svi kandidati u statusu za koji konkuriraju, a lista se proširuje za taj broj kandidatima državljanima BiH.

Pod jednakim uvjetima iz ovih kriterija prednost imaju:

- djeca boraca-branitelja BiH,
- djeca ratnih vojnih invalida, djeca šehida i poginulih i nestalih boraca-branitelja i umrlih ratnih vojnih invalida,
- djeca organizatora otpora,
- djeca veterana-prvoboraca i
- djeca nosilaca najviših ratnih priznanja.

(čl. 1, 2, 5. i 24. Zakona o dopunskim pravima boraca-branitelja BiH, prečišćeni tekst („Službene novine Kantona Sarajevo“, broj: 45/12)

Član 11.

Invalidi sa utvrđenim stoprocentnim invaliditetom imaju pravo upisati se jedanput na određeni studijski program na Univerzitetu kao studenti budžetski finansiranih mjesta pod uvjetima:

- a) da su položili prijemni ispit,
- b) da su sposobni obavljati praktične zadatke u nastavi,
- c) da su stekli pravo upisa na odgovarajući ciklus studija organizacione jedinice kao javne ustanove i
- d) da su dostavili dokaz nadležne institucije o statusu invalida i procentu invaliditeta.

Član 12.

Detaljnije informacije o mjestu i vremenu predaje dokumenata za upis, kao i druge relevantne informacije bit će objavljene na web stranicama i oglasnim pločama organizacionih jedinica.

**PLAN UPISA STUDENATA U PRVU GODINU PRVOG CIKLUSA STUDIJA
NA UNIVERZITETU U SARAJEVU
U AKADEMSKOJ 2013/2014. GODINI**

Rbr	NAZIV USTANOVE ODSJEK / STUDIJ	Predviđeno trajanje prvog ciklusa studija, godine i ECTS ^{a)}	BROJ STUDENATA					
			Redovni studij- troškove studija snosi osnivač	Redovni Studij ^{b)} - troškove studija snose sami studenti	Vanredni studij ^{c)}	DL studij ^{d)}	Strani državljeni	<i>Ukupno</i>
1.	AKADEMIJA LIKOVNIH UMJETNOSTI	4 240 ECTS	42	8	-	-	7	57
	Nastavnički		12	1	-	-	1	14
	Slikarstvo		5	-	-	-	1	6
	Kiparstvo		5	1	-	-	1	7
	Grafika		5	1	-	-	1	7
	Grafički dizajn		5	3	-	-	1	9
	Produkt dizajn		10	2	-	-	2	14
2.	AKADEMIJA SCENSKIH UMJETNOSTI		17	-	6	-	8	31
	Gluma	4 240 ECTS	8	-	-	-	6	14
	Režija - Multimedijalna	3 180 ECTS	5	-	-	-	2	17
	Režija - AV usmjerenje		4	-	6	-	-	
	Odsjek za dramaturgiju	4 240 ECTS	3	-	-	-	1	4
	Odsjek za produkciju i menadžment u oblasti scenskih umjetnosti	3 180 ECTS	11	-	-	-	1	12
3.	ARHITEKTONSKI FAKULTET	3 180 ECTS	50	30	-	-	15	95
4.	EKONOMSKI FAKULTET	3 180 ECTS	150	150	-	200	10	510

	Odsjek Ekonomija		50	50	-	80	-	180
	Odsjek Menadžment		50	50	-	70	5	175
	Odsjek Visoka poslovna škola		50	50	-	50	5	155
5.	ELEKTROTEHNIČKI FAKULTET	3 180 ECTS	100	100	90	-	8	298
	Automatika i elektronika		25	25	25	-	2	77
	Elektroenergetika		25	25	20	-	2	72
	Računarstvo i informatika		25	25	20	-	2	72
	Telekomunikacije		25	25	25	-	2	77
6.	FAKULTET ISLAMSKIH NAUKA	4	70	-	45	-	-	115
	Teološki smjer		25	-	25	-	-	50
	Smjer religijske pedagogije		20	-	20	-	-	40
	Imamski smjer		25	-	-	-	-	25
<i>* Vanredni studij – prijem shodno odluci Rijasetu o završetku studija za imame</i>								
7.	FAKULTET ZA KRIMINALISTIKU, KRIMINOLOGIJU I SIGURNOSNE STUDIJE	4 240 ECTS	105	105	100	-	10	320
	Kriminalistika		35	35	34	-	4	108
	Kriminologija		35	35	33	-	3	106
	Sigurnosne studije		35	35	33	-	3	106
8.	FAKULTET POLITIČKIH NAUKA	3 180 ECTS	160	150	150	50	30	540
	Odsjek politologija							
	Opći smjer		25	25	25	5	5	85
	Međunarodni odnosi i diplomatija		25	25	25	5	5	85
	Odsjek sociologija		25	25	20	10	5	85
	Odsjek žurnalistika / komunikologija		30	25	35	10	5	105

	Odsjek sigurnosne i mirovne studije		30	25	25	10	5	95
	Odsjek socijalni rad		25	25	20	10	5	85
9.	FAKULTET SPORTA I TJELESNOG ODGOJA		30	50	-	70	10	160
	Opći smjer	4 240 ECTS	30	50	-	-	5	85
	Smjer menadžment u sportu	3 180 ECTS	-	-	-	70	5	75
10.	FAKULTET ZA SAOBRAĆAJ I KOMUNIKACIJE	3 180 ECTS	100	90	-	-	5	195
	Odsjek za saobraćaj							
	Cestovni saobraćaj		30	30	-	-	1	61
	Željeznički saobraćaj		10	10	-	-	1	21
	Zrakoplovni saobraćaj		7	8	-	-	1	16
	Odsjek za komunikacije							
	Poštanske tehnologije		8	7	-	-	1	16
	Komunikacijske tehnologije		45	35	-	-	1	81
11.	FAKULTET ZDRAVSTVENIH STUDIJA	4 240 ECTS	120	-	120	-	10	250
	Zdravstvena njega i terapija		24	-	30	-	2	56
	Fizikalna terapija		24	-	20	-	2	46
	Zdravlje i ekologija		24	-	20	-	2	46
	Radiološke tehnologije		24	-	25	-	2	51
	Laboratorijske tehnologije		24	-	25	-	2	51
12.	FARMACEUTSKI FAKULTET^{e)}	5 300 ECTS	50	75	-	-	10	135
13.	FILOZOFSKI FAKULTET	3 180 ECTS	520	190	200	-	20	930
	Odsjek za anglistiku							
	Jednopedmetni studij A. Engleski jezik i književnost		25	40	20	-	-	85

	<u>Dvopredmetni studij</u> B. Engleski jezik i književnost i Druga studijska grupa		8	7	5	-	-	20
	Odsjek za bosanski, hrvatski i srpski jezik							
	<u>Dvopredmetni studij</u> A. Bosanski, hrvatski i srpski jezik i književnosti naroda BiH – nastavnički smjer		20	10	7	-	-	37
	<i>B. Bosanski, hrvatski i srpski jezik i druga studijska grupa</i>		10	8	7	-	-	25
	Odsjek za filozofiju							
	<u>Dvopredmetni studij</u> A. Filozofija i sociologija		10	5	3	-	-	18
	B. Filozofija i druga studijska grupa		5	-	3	-	-	8
	<u>Jednopedmetni studij</u> Filozofija		10	-	3	-	-	13
	Odsjek za sociologiju							
	<u>Jednopedmetni studij</u> Sociologija		18	7	3	-	-	28
	<u>Dvopredmetni studij</u> Sociologija i druga studijska grupa		3	-	3	-	-	6
	Odsjek za germanistiku							
	<u>Jednopedmetni studij</u> A.Njemački jezik i književnost		25	20	12	-	-	57
	<u>Dvopredmetni studij</u> A.Njemački jezik i književnost i Druga studijska grupa		3	3	3	-	-	9
	Odsjek za historiju							
	<u>Jednopedmetni studij</u> A. Historija		30	-	10	-	-	40
	<u>Dvopredmetni studij</u> A. Historija i Druga studijska grupa		5	-	3	-	-	8
	Katedra za historiju/povijest umjetnosti							
	<u>Dvopredmetni studij</u> A. Historija umjetnosti i Druga studijska grupa		8	-	5	-	-	13
	B. Druga studijska grupa i Historija umjetnosti		8	-	5	-	-	13
	Katedra za arheologiju							
	<u>Jednopedmetni studij</u> A. Arheologija		10	5	-	-	-	15
	<u>Dvopredmetni studij</u> Arheologija i Druga studijska grupa		8	7	3	-	-	18
	Odsjek za književnosti naroda BiH							

<u>Dvopredmetni studij</u> A. Književnosti naroda BiH i bosanski, hrvatski i srpski jezik – nastavnički smjer		20	-	8	-	-	28
B. Književnosti naroda BiH i Druga studijska grupa		10	-	3	-	-	13
Odsjek za komparativnu književnost i bibliotekarstvo							
<u>Jednopedmetni studij</u> A. Komparativna književnost		18	-	5	-	-	23
<u>Dvopredmetni studij</u> A. Komparativna književnost i bibliotekarstvo		30	-	5	-	-	35
B. Komparativna književnost i Druga studijska grupa		5	-	3	-	-	8
<u>Dvopredmetni studij</u> C. Bibliotekarstvo i Druga studijska grupa		7	-	3	-	-	10
Odsjek za orijentalnu filologiju							
<u>Jednopedmetni studij</u> A. Arapski jezik i književnost		20	-	5	-	-	25
B. Turski jezik i književnost		15	-	8	-	-	23
C. Perzijski jezik i književnost		8	-	3	-	-	11
<u>Dvopredmetni studij</u> A. Arapski jezik i književnost i Druga studijska grupa Druge studijske grupe i Arapski jezik i književnost		10	-	5	-	-	15
B. Turski jezik i književnost i Druga studijska grupa Druge studijske grupe i Turski jezik i književnost		10	-	3	-	-	13
C. Perzijski jezik i književnost i Druga studijska grupa Druge studijske grupe i Perzijski jezik i književnost		8	-	3	-	-	11
Odsjek za pedagogiju							
<u>Jednopedmetni studij</u> A. Pedagogija		30	23	15	-	-	68
<u>Dvopredmetni studij</u> A. Pedagogija i Druga studijska grupa		10	7	3	-	-	20
Odsjek za psihologiju							
<u>Jednopedmetni studij</u> A. Psihologija		38	38	-	-	-	76
Odsjek za romanistiku							
<u>Jednopedmetni studij</u> A. Francuski jezik i književnost		15	5	5	-	-	25
<u>Jednopedmetni studij</u> B. Italijanski jezik i književnost		10	-	3	-	-	13
<u>Dvopredmetni studij</u> A. Francuski jezik i književnost i italijanski jezik i književnost		5	-	3	-	-	8

	Dvopredmetni studij B. Italijanski jezik i književnost i Druga studijska grupa		5	-	3	-	-	8
	Dvopredmetni studij C. Francuski jezik i književnost i Druga studijska grupa		10	5	5	-	-	20
	Dvopredmetni studij D. Latinski jezik i rimska književnost i Druga studijska grupa		5	-	3	-	-	8
	Dvopredmetni studij E. Latinski jezik i rimska književnost i francuski jezik i književnost		5	-	5	-	-	10
	Dvopredmetni studij F. Latinski jezik i rimska književnost i italijanski jezik i književnost		5	-	3	-	-	8
	Odsjek za slavenske jezike i književnosti							
	Jednopredmetni studij A. Ruski jezik i književnost		10	-	3	-	-	13
	Dvopredmetni studij A. Ruski jezik i književnost i Druga studijska grupa		5	-	3	-	-	8
	Strani državljani na svim studijskim grupama (uz uvjet da prilože potvrdu o aktivnom znanju bosanskog/ hrvatskog/srpskog jezika)						20	20
14.	GRAĐEVINSKI FAKULTET	3 180 ECTS	100	80	-	-	5	185
	Studij građevinarstva		75	60	-	-	3	138
	Studij geodezije		25	20	-	-	2	47
15.	KATOLIČKI BOGOSLOVNI FAKULTET	5 300 ECTS	20	-	-	-	10	30
	Filozofsko-teološki		20	-	-	-	10	30
16.	MAŠINSKI FAKULTET	3 180 ECTS	160	40	40*	-	-	240
* Planirani broj od 40 vanrednih studenata se odnosi isključivo na Odsjek za tehnologije drveta, odnosno inženjere tehničkih nauka (VI stepen) sa Odsjeka za tehnologije drveta po starom sistemu studiranja a koji žele da završe i I ciklus studija po bolonjskim principima te steknu diplomu akademske titule i stručnog zvanja Bakalaureat /Bachelor Inženjer mašinstva.								
17.	MEDICINSKI FAKULTET^{e)}	6 360 ECTS	80	20	-	-	-	100
18.	MUZIČKA AKADEMIJA	4 240 ECTS	45	-	-	-	9	54

	Odsjek za kompoziciju		2	-	-	-	-	2
	Odsjek za dirigovanje							
	Orkestarsko dirigovanje		1	-	-	-	1	2
	Horsko dirigovanje		2	-	-	-	-	2
	Odsjek za solo pjevanje		3	-	-	-	-	3
	Odsjek za klavir, udaraljke, harfu i srodne instrumente							
	Klavir		4	-	-	-	1	5
	Klavir korepeticija		-	-	-	-	-	-
	Klavir metodika		-	-	-	-	-	-
	Udaraljke		1	-	-	-	1	2
	Odsjek za gudačke instrumente							
	Violina		4	-	-	-	1	5
	Viola		1	-	-	-	-	1
	Violončelo		1	-	-	-	1	2
	Kontrabas		1	-	-	-	-	1
	Gitara		2	-	-	-	-	2
	Odsjek za duvačke instrumente i harmoniku							
	Flauta		1	-	-	-	1	2
	Klarinet		1	-	-	-	1	2
	Saksofon		1	-	-	-	-	1
	Truba		1	-	-	-	-	1
	Horna		1	-	-	-	-	1
	Harmonika		1	-	-	-	1	2
	Odsjek za muzikologiju i etnomuzikologiju							
	Muzikologija		3	-	-	-	-	3

	Etnomuzikologija		3	-	-	-	-	3
	Odsjek za muzičku teoriju i pedagogiju		10	-	-	-	2	12
19.	PEDAGOŠKI FAKULTET	4 240 ECTS	35	50	40	-	5	130
	Predškolski odgoj		15	20	15	-	2	52
	Razredna nastava		10	25	20	-	2	57
	Kultura življenja i tehnički odgoj		10	5	5	-	1	21
20.	POLJOPRIVREDNO-PREHRAMBENI FAKULTET	3 180 ECTS	130	40	20	-	5	195
	Odsjek Biljna proizvodnja		40	5	5	-	-	50
	Odsjek Zootehnika		35	5	5	-	-	45
	Odsjek Ekonomika poljoprivrede i prehrambene industrije		30	5	2	-	-	37
	Odsjek Prehrambene tehnologije		25	10	3	-	-	38
	Odjeljenje Brčko Distrikt – Biljna proizvodnja		-	15	5	-	5	25
21.	PRAVNI FAKULTET	4 240 ECTS	100	100	-	100	-	300
22.	PRIRODNO-MATEMATIČKI FAKULTET		265	131	63	-	20	479
	Odsjek za biologiju	4 240 ECTS						
	Nastavnički smjer		10	3	-	-	1	14
	Smjer biohemije i fiziologije		10	3	-	-	2	15
	Smjer ekologija		10	3	-	-	1	14
	Smjer genetika		10	3	-	-	2	15
	Smjer mikrobiologija		10	3	-	-	1	14
	Odsjek za fiziku	4 240 ECTS						
	Nastavnički smjer (Fizika)		15	5	5	-	1	26
	Opći smjer (Fizika)		30	5	5	-	1	41

	Odsjek za geografiju	4 240 ECTS						
	Nastavnički smjer		15	5	10	-	-	30
	Regionalno i prostorno planiranje		15	5	10	-	-	30
	Turizam i zaštita životne sredine		15	10	10	-	-	35
	Odsjek za hemiju	4 240 ECTS						
	Nastavnički smjer		10	10	-	-	1	21
	Opći smjer		20	20	-	-	1	41
	Kontrola kvaliteta i zaštita okoliša		15	20	-	-	1	36
	Odsjek za matematiku	3 180 ECTS						
	Opći (teorijski) smjer		5	1	1	-	1	8
	Primijenjena matematika		10	2	2	-	1	15
	Nastavnički smjer (Matematika)		20	5	5	-	1	31
	Nastavnički smjer (Matematika i informatika)		15	5	5	-	1	26
	Nastavnički smjer (Matematika) – Odjeljenje Brčko Distrikt BiH		5	20	5	-	2	32
	Teorijska kompjuterska nauka		25	3	5	-	2	35
23.	STOMATOLOŠKI FAKULTET SA KLINIKAMA ^{e)}	6 360 ECTS	40	30	-	-	5	75
24.	ŠUMARSKI FAKULTET	3 180 ECTS	90	-	-	-	10	100
	Odsjek Šumarstvo		70	-	-	-	5	75
	Odsjek Hortikultura		20	-	-	-	5	25
25.	VETERINARSKI FAKULTET ^{e)}	5 300 ECTS	60	25	-	-	5	90

UKUPNO UNIVERZITET U SARAJEVU	2 639	1 464	874	420	217	5 614
--	--------------	--------------	------------	------------	------------	--------------

PRIDRUŽENE ČLANICE		Predviđeno trajanje prvog ciklusa studija, godine i ECTS ^{a)}	Redovni studij- troškove studija snosi osnivač	Redovni Studij ^{b)} - troškove studija snose sami studenti	Vanredni studij ^{c)}	DL studij ^{d)}	Strani državljani	<i>Ukupno</i>
1.	FAKULTET ZA JAVNU UPRAVU	4 240 ECTS	-	70	30	-	-	100
UKUPNO UNIVERZITET U SARAJEVU I PRIDRUŽENE ČLANICE			2639	1534	904	420	217	5714

a) Prvi ciklus studija vodi do akademskog zvanja završenog dodiplomskog studija [the degree of Bachelor] ili ekvivalenta, stečenog nakon završene srednje škole i traje tri odnosno četiri godine, a vrednuje se sa 180 odnosno 240 ECTS studijskih bodova. ECTS studijski bodovi odgovaraju kriterijima Evropskog sistema prijenosa kredita – European Credit Transfer System – ECTS.

b) Redovni studij = troškove studija snose sami studenti.

c) Vanredni studij = troškove studija snose sami studenti.

Organizaciona jedinica obavezna je u svakom semestru organizirati nastavu „u učionici“ za vanredne studente i to najmanje prve, osme i petnaeste sedmice svakog semestra i o tome voditi urednu evidenciju, a što se detaljnije regulira pravilima studiranja visokoškolske ustanove. Vanredni studenti obavezni su prisustvovati oblicima provjere znanja kako je predviđeno izvedbenim planovima nastave na visokoškolskoj ustanovi, koji se, po pravilu, obavljaju u toku onih radnih sedmica u kojima se organizira i nastava za ove studente, a što se detaljnije regulira pravilima studiranja visokoškolske ustanove.

d) DL = redovni studij „učenjem na daljinu“ sa punim fondom nastave – troškove studija snose sami studenti.

Organizaciona jedinica obavezna je u svakom semestru organizirati nastavu „u učionici“ za studente koji studiraju „učenjem na daljinu“ i to najmanje prve, osme i petnaeste sedmice svakog semestra i o tome voditi urednu evidenciju, a što se detaljnije regulira pravilima studiranja visokoškolske ustanove.

Studenti koji studiraju „učenjem na daljinu“ obavezni su prisustvovati oblicima provjere znanja kako je predviđeno izvedbenim planovima nastave na visokoškolskoj ustanovi, koji se, po pravilu, obavljaju u toku onih radnih sedmica u kojima se organizira i nastava za ove studente, a što se detaljnije regulira pravilima studiranja visokoškolske ustanove.

e) Integrirani studij prvog i drugog ciklusa na fakultetima Grupacije medicinskih nauka koji se vrednuje do 360 ECTS bodova.